

समा - 12:25 hrs.

<><><><><><>

Fin Min

केन्द्री खजाना मंत्री निर्मला सीतारमण होरें आक्खेआ ऐ जे माल-समेयान ते सेवाएं सरबन्धी नमीं जीएसटी बवस्था, बसनीकें आसेआ कीती जाने आहली खपत च सुधार करोग ते कुसै बी चाल्ली कन्नै पूंजीगत खर्चे पर असर नेई पाग। खबरें आहले इक निजी चैनल गी दित्ते गेदे इंटरव्यु च सीतारमण होरें आक्खेआ जे 99 फीसद माल-समेयान ते सेवाएं पर हून जां ते कोई जी.एस.टी नेई लाया जा'रदा जां फही ओहू 5जां 18 फीसद जीएसटी दे दायरे हेठ आवा करदि'आं न। मंत्री होरें इब्बी आक्खेआ जे पेट्रोलियम उत्पादें सने शराब गी बी जीएसटी दे दायरे चा बाह्र रक्खेआ जाह्ग। उ'नें दस्सेआ जे सरकार, अमरीका आसेआ लाए गेदे 50 फीसद टैरिफ करी प्रभावत होए दे निर्यातकें दी मदद लेई किश हीलें पर कम्म करै करदी ऐ। तोआई आकाशवाणी समाचार कन्नै इक चेचे इंटरव्यु च अप्रतक्ख टैक्सें ते कस्टमस सरबन्धी केन्द्री बोर्ड दे अध्यक्ष संजय कुमार अग्रवाल होरें अगली पीढ़ी दे जी.एस.टी सुधारें गी बड़ी दलेरी भरोची ते व्यापक गैहू करार दित्ता ऐ।

<><><><><><>

IMCT-Udhampur Reasi Visit

जम्मू-कश्मीर च हाल च होई दियें भारी बरखें ते हाड़े कन्नै होए दे नुक्सान दा आकलन करने लेई अंतर-मंत्रालीय केन्द्रीय दल नै कल रियासी ते उधमपुर जिले दा दौरा कीता। दल नै उधमपुर दे Malhar ते Thard दे प्रभावित इलाकें दे कन्नो-कन्नी जम्मू-श्रीनगर राष्ट्रीय जरनैली सिड़क दे नुक्सान पुज्जे दे हिस्सें दा बी निरीक्षण कीता। नुक्सान दा आकलन करने लेई दल नै Domel –कटड़ा हाइवे, लास-पस्सियां पौने करी

प्रभावित होए दा बलानी पुल ते कटडा च शनि मंदरै सनें होरनें प्रभावित थाहरें दा निरीक्षण कीता। दौरे दौरान अंतरमंत्रालीय दल नै जमीनी सतह पर बनी दी स्थिति बारे जानने लेई मकामी प्रशासनं कन्नै बी गल्लबात कीती।

<><><><><><>

## Div. Com Udhampur Visit

जम्मू दे डिविजनल कमीशनर रमेश कुमार थर्ड च जम्मू-श्रीनगर राष्ट्रीय जरनैली सिडकें दे पस्सियां पौने करी प्रभावित हिस्सें दा दौरा लाइयै उत्थे जारी पुर्नबहाली आले कम्में दा जायजा लैता। डिव.कॉम होरें हाइवे दे नुक्सान पुज्जे दे हिस्सें दा निरीक्षण करने मगरा मुतलका एजेंसियें गी निर्देश दिते जे इस प्रक्रिया गी तौले शा तौले पूरा करने लेई बाद्दू मशीनरी ते अमले गी लाया जा। दौरे दौरान मुख्ब करी ध्यान कैथगली-मोंगरी, रामनगर-बसंतगढ़ ते चनैनी सुद्धमहादेव सिडके दी मरम्मत पर दिता गया, तांजे इनें सिडकें गी तौले गै गड्डियें दी आओ-जाई बहाल कीती जाई सकै। डिव.कॉम होरें मुतलका एजेंसियें गी निर्देश दिते जे सिडके थमां मलबे गी हटाए जाने आले कम्में गी तौले गै पूरा करन ते महत्वपूर्ण सिडकें पर गड्डियें दी आओ-जाई बहाल करने लेई हर चाली दे उपाएं गी अपनान।

<><><><><><>

## JK BOSE

जम्मू-कश्मीर स्कूली शिक्षा बोर्ड नै इसलै चला रदे 10मीं ते 11मीं जमात दे मतेहानें लेई नमीं तरीखें दी घोषणा कीती ऐ। जम्मू-कश्मीर दे मते सारे इलाकें च मौसम दे खराब होने ते हाड़ें जनेही स्थिति बनने मगरा विद्यार्थियें दी सुरक्षा गी दिक्खदे होई केंई म्तेहानें गी अगड़ा पाई दिता गया हा। हुन मौसम च सुधार गी दिक्खदे होई म्तेहानें लेई नमीं तरीख दी घोषणा करी दिती गेई ऐ। विद्यार्थि इस बारे पूरी जानकारी

JKBOSE website [www.jkbose.nic.in](http://www.jkbose.nic.in) पर जाइयै हासल करी सकदे न।



## DSEJ-Sch , Reopening

जम्मू संभाग दे सब्भनें सरकारी ते निजी स्कूलें गी अज्ज बंद रक्खेया गया ऐ। स्कूली शिक्षा निदेशालय जम्मू आसेया जारी कीते गेदे इक हुकमै च सब्भनें स्कूलें दे प्रधान ते अमले गी निर्देश दिता गया ऐ जे ओह 8 सितम्बर गी ड्यूटी पर रिपोर्ट करन ते स्कूली ईमारतें दी व्यापक सुरक्षा लेई Safety Audit यकीनी करन। स्कूलें दे प्रधानें गी निर्देश दिता गया जे Offline क्लासां परतियै शुरु करने शा पैहले सुरक्षा गी ध्यानै च रक्खदे होई 10 सितम्बर गी इस बारै उचित फैसला लैन। हुकमै च सब्भनै मुतलका धड़ें गी इस निर्देश दी समेसिर पालमा यकीनी करने लेई आक्खेया गया ऐ।



## Highway Status

जखैनी ते बल्ली नाला इलाके बश्कार सिडक संपर्क कटोई जाने दे चलदे जम्मू-श्रीनगर राष्ट्री जरनैली सिडक गड्डिएं दी आओ-जाई लेई अजें बी बंद ऐ। ट्रैफिक पुलस आसेआ जारी इत्तलाहू मूजब, नगरोटा थमां चनैनी, पत्नीटॉप, डोडा, रामबन, बनिहाल ते श्रीनगर बक्खी कुसै बी गड्डी दी जाने दी इजाजत नेई होग। उआं कटरा, रियासी ते उधमपुर दे बसनीकें गी गुजारिश कीती गेई ऐ जे ओहू अपना फोटू लगगे दा शिनाख्ती कार्ड अपने कन्नै रक्खन तांजे उनेंगी आओ-जाई मतल्लक कुसै परेशानी दा सामना नेई करना पवै। ट्रैफिक पुलसै मूजब, किश्तवाड़-सिंथन-अनंतनाग सिडक बी गड्डिएं दी आओजाई लेई अजें बंद ऐ जिसलै के मौसम साफ रौहने दी सूरतै च मुगल रोड पर छड़ी हौली मोटर गड्डिएं दी आओजाई दी खुल्ल दिती जाहगा।



## PTC-Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां ना। इच्छुक आवेदक जेह्दी उमर 24 थमां 50 बरें दे बश्कार ऐ ते ओह जम्मू जिले दा रौहने आह्ला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रेजुएशन ते पत्रकारिता च 2 बरें दा तजुर्बा होना लोडचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंध्यत लोडचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोडचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 14 September 2025 संजा 6 बजे कोला पैहले- पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट [www.newsonair.gov.in](http://www.newsonair.gov.in) पर उपलब्ध ऐ।

